

**Aljoša Čampara, zastupnik
u Skupštini Kantona Sarajevo**

Datum: 04.06.2025. godine

**SKUPŠTINI KANTONA SARAJEVO
VLADI KANTONA SARAJEVO
MINISTARSTVU SAOBRAĆAJA KANTONA SARAJEVO
MINISTARSTVU UNUTRAŠNJIH POSLOVA KANTONA SARAJEVO**

Predmet: Inicijative, podnosim

1. Podnosim Inicijativu Ministarstvu saobraćaja Kantona Sarajevo i Vladi Kantona Sarajevo da po hitnom postupku utvrdi Prijedlog Zakona o izmjenama i dopunama Zakona o taksi prevozu u Kantonu Sarajevo, te isti dostavi Skupštini Kantona Sarajevo na razmatranje i donošenje.

Predlažem da se u navedenom zakonu izmjeni i dopuni član 11. stav (3) Zakona o taksi prevozu na način da se na kraju interpunkcijski znak "." zamjeni interpunkcijskim znakom "," i dodaju riječi: "osim zaustavljanja koje je isključivo neophodno radi prijema ili izlaska putnika u ili iz taksi vozila".

2. Podnosim Inicijativu da Ministarstvo saobraćaja putem nadležnih službi ispred autobuskih gradskih stajališta ispod postojećih "znakova zabrane zaustavljanja i parkiranja" postavi dopunske table sa oznakom "osim zaustavljanja vozila javnog gradskog prevoza i taksi vozila radi prijema i izlaska putnika".

3. Podnosim Inicijativu da Ministarstvo unutrašnjih poslova putem nadležnih službi osigura tehničke uslove koji će nakon donošenja izmjena i dopuna gore navedenog zakona omogućiti da se ne fotografišu taksi vozila postojećim kamerama na autobuskim stajalištima kada su zaustavljena radi prijema ili izlaska putnika iz taksi vozila.

O b r a z l o ž e n j e

Imajući u vidu da je u završenoj fazi projekat Ministarstva saobraćaja KS i Ministarstva unutrašnjih poslova KS koji se odnosi na implementaciju i puštanje u rad kamera za fotografisanje nepropisno parkiranih vozila na autobuskim stajalištima i da su istim u nepovoljan položaj dovedeni taksi prevoznici koji vrše javni prevoz u Kantonu Sarajevo, jer im zakonska rješenja koja su trenutno na snazi ne omogućavaju zaustavljanje na tim stajalištima bez da budu sankcionisani, a samim tim i građane koji imaju potrebu koristiti ovaj vid prevoza dovode u neugodnu situaciju, u cilju prevazilaženja situacije koja je izazvala pažnju javnosti i ima uticaj na svakodnevni život građana i posjetilaca u KS, upućujem ove inicijative sa prijedlogom da se po hitnoj proceduri pristupi realizaciji istih. Napominjem da je oblast taksi prevoza nadležnost kantona i da bi se izmjenom i dopunom postojećeg zakona definisala mogućnost zaustavljanja taksi vozila na postojećim gradskim stajalištima isključivo radi prijema ili izlaska putnika iz taksi vozila, a što bi potom bilo neophodno definisati i dopunskim tablama ispod saobraćajnih znakova ispred stajališta i tehničkim mogućnostima na instaliranim kamerama koje ne bi bilježile prekršaj taksi vozila u vrijeme zaustavljanja radi prijema ili izlaska putnika iz taksi vozila do cca jedne minute.

PODNOŠILAC INICIJATIVA

Aljoša Čampara